



**Voorskoolse-
Sondagskool**

Lestitel: Om te seek en te vind

'n Ouerhandleiding
Sondagskooltuisonderrig



Liewe Ouer

Welkom by die les “**Om te soek en te vind**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jousef aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Om te soek en te vind
Bybelwoord	Mattheus 7: 7
Lesdoelwit	Die les van vandag leer ons dat as ons hard werk vir iets wat ons wil hê en nie moed opgee nie, ons dit KAN kry! Soek en jy sal vind.

Dit is die verhaal:

Hierdie verhaal gaan vandag oor 'n pappa, mamma, boetie en sussie wat graag na die bopunt van 'n berg wou klim om die pragtige uitsig oor die vallei te kan sien!

Almal het vroeg gaan slaap. Die volgende dag word hulle vroeg wakker, drink 'n koppie tee, pak hul sakke, bid saam, klim in die motor en ry na die onderkant van die berg.

Hulle het aan die onderkant van die berg geparkeer, pappa het die rugsakke met al die lekkergoed uitgehaal en die staptog het begin. Hulle het die stadige staptog baie geniet, want hulle moes hul energie spaar om bo uit te kom!

Boetie en sussie het na 'n rukkie moeg en honger geword, hulle het toe gestop om te eet en te drink en daarna aanhou stap.

Dit was nou baie warm, so hulle moes gereeld stop, want boetie en sussie het moeg geword en gesweet van die hitte. Ai tog! Daar was nog 'n hele ent vir hulle om te stap ... Maar die gesin wou regtig bo uitkom, so hulle het aanhou loop al het dit baie stadig gegaan.

Terwyl hy loop het boetie gestruikel, homself aan 'n bos gekrap en geval! Ma het die wond vinnig skoongemaak, dit verbind en hulle het aanhou loop. Dit het nou nog stadiger gegaan, want ma en pa moes albei boetie en sussie se hande vashou om hulle op die steil paadjie te help.

Hulle het later op die dag uiteindelik hul doel bereik - die berg se bopunt! Hulle het hul skoene uitgetrek, hul voete in die vars skoon water van die bergstroompie gesit, rond gedans, tee, toebroodjies, koek en soetgoed uit mamma se piekniekmandjie geniet en die uitsig oor die vallei onder hulle bewonder - DIT WAS ALLES DIE MOEITE WERD !



Wat beteken hierdie les vandag vir ons?

So, wat het ons geleer uit die les van vandag, liewe kinders:

- Ons het geleer dat as ons hard werk vir iets wat ons wil hê en nie moed opgee nie, ons dit KAN kry!
- Ons moet nooit moed opgee voordat ons ons droom bereik nie.
- Met God aan ons kant kan ons enigiets doen.
- Ons moet ons Pappa, Mamma en die Sondagskoolonderwyser van ons doel vertel – met ander woorde, ons droom wat ons eendag wil word, en hulle vra om saam met ons te bid en ons te help om ons doel te bereik.

Sommige vrae wat ons kan vra:

- *Vraag: Is daar iets in jou lewe wat jy graag eendag wil hê of wat jy graag wil wees?*

Antwoord: Help jou kind om uit die hart te beskryf wat hy of sy regtig wil hê.

- *Vraag: Wat is jou planne om dit te verkry, of om dit te word?*

Antwoord: Luister en help hom of haar om 'n plan te ontwikkel

- *Vraag: Wie dink jy moet ons van ons plan vertel?*

Antwoord: Ons moet vir Jesus sê!

- *Vraag: Hoe gaan ons dit doen?*

Antwoord: Deur gebed!

- *Vraag: Wat is die geheim?*

Antwoord: Vertel vir Jesus van jou droom, hoe jy beplan om jou droom te bereik, en vra Hom om jou krag te gee om jou droom te bereik.

- *Vraag: Wat is SEKER?*

Antwoord: By God is ALLE DINGE MOONTLIK!



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.